



Qhov sib txawv tseem ceeb hauv Family Care, Partnership thiab PACE

Daim ntawv no cov lus piav txog peb yam sib txawv tseem ceeb hauv cov Kev Pab Cuam Family Care, Partnership thiab PACE. Nov yog hom kev pab uas muab sau los ua ke rau hauv qhov kev pab (cov kev pab tu mus sij hawm ntev thiab cov kev kho mob), pab neeg uas muab kev tu tus mob, thiab cov kev pab uas them nyob hauv pawg kws kho mob koom hauj lwm ua ke.

Kev Pab Sau Los Ua Ke

Family Care

Sau Los Ua Ke Ib Feem. Qhov kev pab cuam Family Care sau cov kev pab tu nyob hauv tsev thiab hauv zos, hauv cov tsev tu neeg (xws li tsev laus), Medicaid kev pab tu tus kheej, kev kho mob hauv tsev, thiab lwm cov kev pab hauv zos uas nyias tau nyias nyiaj los ua ke. Family Care TSIS them rau cov nqi kho mob (kho mob sai/tus mob uas xub ntsib kws kho mob) xws li mus pw hauv tsev kho mob, mus kho mob hauv chav kho mob kub ceev, tshuaj, thiab mus ntsib kws kho mob. Cov uas koom rau hauv Family Care siv Medicare thiab Medicaid los them rau cov kev kho mob no.

Partnership thiab PACE

Sau Los Ua Ke Tas Nrho. Cov kev pab cuam Partnership thiab PACE sau tus neeg cov kev pab tu nws mus sij hawm ntev thiab cov kev kho mob **thiab** kev noj qab haus huv (kho tus mob uas xub ntsib kws kho mob thiab kho mob sai), **thiab** cov tshuaj kws kho mob ua ntawv yuav los ua ke. Yog li, tas nrho cov kev pab nyob hauv tsev thiab hauv zos, hauv cov tsev tu neeg (xws li tsev laus), kev mus ntsib kws kho mob, mus pw hauv tsev kho mob, tshuaj, mus kho hniav thiab lwm cov kev kho mob yog muab sau los ua ke rau hauv Partnership thiab PACE qhov kev pab.

Cov Neeg Uas Nyob Hauv Pab Muab Kev Tu Tus Mob

Family Care

Yam tsawg kawg, pab neeg uas khiav txoj hauj lwm no muaj xws li ib tus kws tu mob, ib tus khiav hauj lwm rau tib neeg, thiab tus tswv cuab. Cov tswv cuab kuj xaiv tau ib tus hauv nws tsev neeg, ib tus uas nws hlub ntseeg siab, thiab lwm tus kws tshaj lij los koom rau hauv pab neeg no.

Partnership thiab PACE

Nyob hauv Partnership, yam tsawg kawg, pab neeg uas khiav txoj hauj lwm no muaj xws ib tus pab kws kuaj mob, tus kws tu mob, tus khiav hauj lwm rau tib neeg, tus tswv cuab, thiab ib tus kws kho mob. Cov tswv cuab kuj xaiv tau ib tus hauv nws tsev neeg, ib tus uas nws hlub ntseeg siab, thiab lwm tus kws tshaj lij los koom rau hauv pab neeg no.

Nyob hauv PACE, pab neeg uas khiav txoj hauj lwm no muaj xws li ib tus kws tu mob, tus tswj kev pab tu, PACE qhov chaw tus neeg khiav hauj lwm, kev pab tu hauv tsev tus neeg khiav hauj lwm, PACE los yog hauv zos tus kws kho mob, cov kws kho tus mob kom rov peem tsheej (kev ua hauj lwm, kho lub cev thiab kev ua si) thiab ib tus kws paub txog kev noj haus. Cov tswv cuab kuj xaiv tau ib tus hauv nws tsev neeg, ib tus uas nws hlub ntseeg siab, thiab lwm tus kws tshaj lij los koom rau hauv pab neeg no.



Cov Kev Kho Mob Uas Them Rau thiab Pawg Kws Kho Mob Koom Hauj Lwm Ua Ke

Family Care

Cov Kev Pab Tu Mus Sij Hawm Ntev. Ib tus neeg cov kev pab tu nws mus sij hawm ntev yog them los ntawm Family Care. (Saib daim phiaj “Covered Services” (Cov Kev Kho Mob Uas Them Rau) kom paub ntau ntxiv.)

Cov Kev Kho Mob Uas Xub Ntsib Kws Kho Mob (nrog rau cov mob sai thiab mob mus ntev tsis paub zoo). Family Care tsis them rau cov kev kho mob uas xub ntsib kws kho mob. Cov tswv cuab yuav siv lawv tus kheej tus kws kho mob thiab siv lawv daim npav Medicaid Forward card them rau cov kev kho mob no. Cov tswv cuab tau lawv cov tshuaj los ntawm lawv qhov Medicare (Part D) thiab/los yog Medicaid them rau. Pab neeg muab kev tu yuav pab tau tus tswv cuab hauv txoj kev sib txuas lus thiab kev khiav hauj lwm nrog cov kws kho mob thiab cov kev pab rau qhov no.

Partnership thiab PACE

Cov Kev Pab Tu Mus Sij Hawm Ntev. Ib tus neeg cov kev pab tu nws mus sij hawm ntev yog them los ntawm Partnership thiab PACE. (Saib daim phiaj “Covered Services” (Cov Kev Kho Mob Uas Them Rau) kom paub ntau ntxiv.)

Cov Kev Kho Mob Uas Xub Ntsib Kws Kho Mob (nrog rau cov mob sai thiab mob mus ntev tsis paub zoo) yog muab los sau ua ke rau hauv Partnership thiab PACE qhov kev pab uas tswj hwm los ntawm pab neeg muab kev tu nrog rau cov kev pab tu mus sij hawm ntev. Nyob hauv Partnership, cov tswv cuab siv cov kws kho mob uas nyob hauv lub MCO pawg kws kho mob koom hauj lwm ua ke uas tej zaum kuj muaj tus tswv cuab tus kws kho mob tam sim no nyob rau hauv. Nyob hauv PACE, cov tswv cuab siv cov kws kho mob uas ua hauj lwm rau los yog muaj ntawv cog lus nrog lub MCO. Yog koj tus kws kho mob tsis nyob hauv lub MCO pawg kws kho mob koom hauj lwm ua ke, lub MCO kuj hu tau rau koj tus kws kho mob kom los koom nrog lawv. Cov tswv cuab mus nqa tau lawv cov tshuaj hauv Partnership thiab PACE. Cov uas koom rau Partnership los yog PACE ib qho kev pab cuam tsis siv SeniorCare los yog Medicare Part D tus kws muab kev kho mob, vim qhov kev pab them rau cov tshuaj kuj muab los sau ua ke rau hauv qhov kev pab lawm. Cov uas xaiv PACE tsis tau them feem yus nrog them (co-pays) los yog feem yus them ua ntej (deductibles) rau lawv cov tshuaj.

Kev Pab Txiaiv Txim Siab: Cov Lus Nug Tseem Ceeb

1. Koj xav li cas rau ntawm qhov muaj ib pab neeg los khiav tas nrho cov kev pab tu mus sij hawm ntev rau koj thiab koj cov kev kho mob?
2. Koj puas yog muaj ntau yam mob los ntev tsis txawj zoo? Koj puas tau mus rau hauv ib lub tsev kho mob ntau zaus? Koj puas noj tshuaj ntau yam? Koj puas muaj mob raum (End Stage Renal Disease)? Yog muaj, koj yuav tsis muaj feem koom tau rau hauv Partnership, tshwj tias yog koj muaj npe rau hauv ib lub Managed Care Organization (MCO) uas tau ntawv tso cai ntawm tsoom fww kom zam rau txoj cai no xwb. Tsuas muaj ib lub MCO, Community Care Inc., muaj ntawv tso cai ntawm tsoom fww los mus rau npe rau cov muaj mob raum kom tau txais kev pab lub sij hawm no xwb. Lus nco cia: Cov uas muaj mob raum yuav rau npe tau rau hauv PACE.
3. Yog koj muaj siab xav koom rau hauv Partnership, koj tus kws kho mob puas yog ib feem ntawm pawg kws kho mob koom hauj lwm ua ke? Yog hais tias tsis yog, koj hu tau rau lub MCO saib seb puas ua tau kom koj tus kws kho mob los mus koom rau hauv. Yog hais tias tsis yog, nws puas ua ib qho teeb meem rau koj? Yog koj muaj siab xav koom rau hauv PACE, koj tus kws kho mob puas ua hauj lwm rau PACE los yog ib tus ntawm nws cov kws kho mob hauv zos? Yog hais tias tsis yog, nws puas ua ib qho teeb meem rau koj?
4. Yog koj koom rau hauv ib qho kev pab cuam twg kiag, lub tsev kho mob twg yog lub koj yuav mus siv tau? Koj xaiv puas tau ib lub koj tus kheej? Nws puas ua ib qho teeb meem rau koj?
5. Yog koj muaj siab xav koom rau hauv Partnership los yog PACE, koj cov tshuaj puas muaj nyob hauv daim ntawv teev npe tshuaj (formulary)? Yog tsis muaj, puas muaj ib hom tshuaj (generic) zoo ib yam li ntawd? Yuav ua li cas Partnership MCO los yog PACE thiab paub tseeb tias koj tau cov tshuaj uas koj xav tau?

